

湖南府縣志輯

中國地方志集成

光緒善化縣志

K296.4
10
3

中國地方志集成

湖南府縣志輯 ⑤

光緒善化縣志

江蘇古籍出版社●上海書店●巴蜀書社

序

粵自夏后氏任土作貢而山田賦
物產均登簡冊周禮小史掌邦國之
志見於職方者尤備厥後漢代班馬
諸家宗其意而詳其文今志家體例
皆倣此所以紀聲教備典故令披覽
者資為易俗移風之具則郡邑之志

其裨益豈淺鮮哉

聖朝版章孔厚

命儒臣纂脩一統志以總大綱而職其要

由是而省而郡而邑靡不有志惟邑

志宜詳良以邑人言邑事見聞既真

利病易悉所為紀聲教備典故者莫

切於此去秋余攝篆長沙展續脩新

志聞之山川景物政事文章燦然大
備竊意善化同城當有與長邑相頡
頑者時以未睹其書為歎今夏權蒞
茲土矢志飲冰歎焉滋惕乃下車以
來案多塵牘事極冗繁仰體
上憲嘉惠元元之至意思有以噢咻
而樂利之奈典型未諳措施鮮當屢

欲搜討舊章庶知昔之製錦操刀者
或得所取衷以師吏治孰意有先得
我心者即此邑志之編輯明備也善
化踞麓山湘水之盛又得朱張講學
於其間毓秀鍾靈代生賢哲文物聲
明之盛載在省志郡志者數百載於
茲而邑志創自前明萬曆時至

國朝康熙乾嘉間已四續矣茲得諸君子互相考訂補舊增新言以類從目以綱舉凡政治之得失興衰之倚伏靡不瞭然於心目中而選舉一門人才倍盛微獨科名甲第多士蒸蒸即咸豐軍興以來凡投筆從戎者皆得起而效忠義建勛猷文治武功得資

襄贊固不僅名流之槩範圍德之幽光足使人仰懿行而欽貞烈已也觀風者於是可以考俗焉觀治者於是可以考成焉生於斯者得是有所觀感可以考德而自勵焉官於斯者得是有所景行可以飭勵而無負職守焉信乎楚寶惟賢允為首善之區不

誠與長沙相頡頏哉爰從邑紳之請於是乎書
光緒三年歲次丁丑季夏月攝邑事
如皋冒沅謨

明萬曆癸丑序

邑人黃治中景奎

志之爲義從言爲誌惟詩言志而二南著其始列國昭其變
雅頌具其禮樂故實可采燉慝可鑒蓋詩中有史矣乃志也
者其事則乘而無取駢麗其文則史而弗諧聲偶徵文詢獻
考古鏡來攄人心之憤發垂一代之典章謂志爲詩之遺也
可我國家例自一統而下郡有郡志邑有邑志而善邑缺然
創之自今日唐侯始誠曠舉也楚地最大而潭甲諸郡控御
爲艱方城以內始合而析再合而再析獨以邑據嶽麓之勝
在昔爲名賢講習之所一時人士彬彬向化於是乎地以人
重而善化之名稱焉循名思義滋茲土者宜用廩廩矣賈生
號通達國體其策治安至簿書期會爲細故而以移風易

善化縣志

卷之首

舊序

俗非俗吏之能愚不敢謂然抑其時禹貢猶餘秦燒未燼加
以漢高寬仁孝文恭儉物力易復人共其生議者不得不先
教化而今何如也善乎孟子之言曰聖人治天下使有菽粟
如水火菽粟如水火而民焉有不仁者乎竊以爲欲富而教
舍簿書期會無足述者益事無細大理無雅俗浮涉之則錢
穀刑名之具精行之皆經濟道德之猷也是故藟星而入可
以致勤雨不失期可以示信弛罰緩用可以昭儉省耕察斂
可以重時矜情孱弱可與宣慈尙德貴齒可與明讓立苗去
害可與臥赤校藝升俊可與興學飭保伍甲鄉社可使席帖
而歌絃汰治表貞獎誠抑競可使礪節而砥行諸如斯類有
好必甚服而習之風俗自同嘗觀孔子攝相三月用魯一變

之意必有驚世幻俗之爲而事道獵較取供薄正以此化民
以此及物始信庖丁之解牛也以無厚入有閒恢恢餘地進
乎技哉夫有一事卽具一本正其本事自理謂簿書期會不
可語於移風易俗是釋斧斤芒刃之用而奏書騁理解之效
也必不幾矣昔人身都三公恨未爲令而今昔勢殊掣肘借
喻抑聖喆之觀政與末世之采風莫可同與又在各行其志
耳唐侯爲政三年潔已愛民我誨我殖日有最績因以其政
若爲志舉舊告新嘉惠良遠也愚爲之次其略如此

教諭陸寬

善化縣志

卷之首

舊序

二

筆歲庚戌崑來唐侯蒞茲土搜掌故知邑志缺慨然曰是何
以徵文考獻宏化宜民乎哉屬以車甫下謙讓未遑而且歲
有旱魃野有蜚鴻甯其以撫循先撰述益越三載政通人和
而始殫心於斯役也邑建置紀載頗多荒略於是以致蒐輯討
究屬吳子道行而其大旨則依景臺黃公所定公負直行富
藏書援證持議卓有可據我侯虛心諮訪折衷其肯綮而組
藻其精華師虞之又同繹之以俾覽校核焉其言曰今天下
自國史外郡若邑莫不有志善化當楚孔道舟車絡繹民勁
悍嬉生而鮮積聚緡錢踐更有租調之供通逃有淵藪之萃
綏不可問以至風俗之良莠水利之蓄洩古道之修復一切
興除皆當事所亟宜圖者不佞受事按籍苦於無稽閒出意

匠經營變通之損益之參訂異同則姑存其說於志以俟來者且是編也未事二三已事七八上自天文下逮地理人物藝文之屬凡有關於政體者備錄之不厭其奢後之君子入疆問政則惟茲志在噫嘻此其意不亦宏廓深遠哉夫善醫者察脈手劑其存活在一時惟是辨證絜方善爲成書使天下後世獲採之以治病爲德始博侯之治則醫國之方而永賴之猷也在史檇杭毀乎向矣漢魏而下若荆楚歲時長沙岳陽風土諸傳記有典贍於斯志者哉書成當必有與填典耶索并讀者

邑人 吳道行

今天下憲往章來無弗以志徵者善邑創自宋元符間逮今

善化縣志

卷之首

舊序

三

五百年餘時事民生官聯文獻沿革損益不知凡幾變而可無志以紀之乎歲庚戌邑侯唐公以兩浙名家蒞茲土輒雅意典故考之志而志闕如也則慨然以爲慨屬不肖使載筆焉不肖惴惴謝不敏迄癸丑我侯慮單於庶政神治於四封百廢事舉續用奏成重念志典不備謂一方文獻何遂毅然議撰著而仍以屬不肖夫子長八書必成之愿遊之後孟堅十志幾二十年始就不肖何人奚以稱寡益惴惴謝不敏乃嚴諭至再弗獲固辭而始飲冰受命爰竭愚陋博采詳蒐於省志郡志得十之四全史故籍得十之二而又參之簿書所紀稽之鄉正所傳於是創著成帙首列以圖志沿革謂先王出地視民無先邑治也乃察變授時準之天文志星野分別

善化縣志

卷之首

舊序

四

壤表用表厥鎮志地理民與習移化以振習志風俗最爾土民用是需則壤成賦倍斂可虞志物產志賦役麓湘帶礪藩屏是基志封建惟令與師政教攸資志職官登明顯俊薦爲國器志選舉流英布愷德我黔黎志宦績懿殷閭則人綱人紀志人物笈登所駐風範如在志流寓公堂體國儲虞惠下樂育矜鳥耀茲文明志建置志學校思患除戎禮祀崇報異蹟芳蹤仰止寄眺志兵防志祀典古蹟天人應感可以徵變志祥異二氏蠡起世且溺趨志方外稗書臆纂足備周咨志雜紀若夫載事宣猷抒靈寄興文彩燦如弗可湮也志藝文勉撰凡若干萬言三閱月始就不肖蕪陋無當僅供搜討至於裁訂總核抽思振藻我侯以政優之下一著定之裕如也尋謂典屬宏鉅非至廣不能成至要彙甫脫既以質之景臺黃公悉爲論次會吾師陸公來司風教我侯手是編特託剛潤焉則復與吾師饒公暨黃師伯仲吳生愉相與揚推之繙牘詮正芟繁就簡則陸公之力居多始事於癸丑六月以甲寅五月竣役不肖幸藉手告成非敢自謂一方信史聊以載吾邑故實俾不弗廢耳敬爲詳其由若此後之生斯宦斯者於以敦紀宏化亦惟茲志在則是舉也或亦千百年不朽之規而我侯之垂澤遠爲德深矣

明崇禎癸酉序

知縣 黃承中

善化於星沙爲首邑湘嶽鍾靈先賢過化俊義炳烺夫非文獻輿圖哉而邑固未有志也萬曆癸丑武陵唐侯始創之以

彙集屬吳生道行而學博恕之陸公鄉達景臺黃公司裁訂
焉存古則幽遐備具識今則鉅細兼該所稱一邦信史非耶
余不佞獲緒符茲土徵文考獻幸有茲志在乃刻本散佚無
幾屢奉上台檄取而查無以應也且邇來世變多艱廢糜靡
一更宜詮次臚列於是仍屬吳生稽原本總時務詳核增損
付之剞劂以告來者而余獨有感於晦明倚伏之故也以善
之名已其山川風景不依然往昔也乎乃物力由豐而細戶
口由蕃而耗征斂由約而盈俗尚由純而澆百度由舉而廢
兼之兵興震鄰餉派日增余猥以謏陋拮据宵旰靡遑志所
已事亟遵之志所未事亟行之環視提封論如綬定以庶幾
於邑志萬一而今且一割無裨弛擔以去余三復掄批覽慰

善化縣志

卷之首

舊序

五

且愧矣雖然茲志之所爲載也甯惟是侈景物豔觀美已耶
將民風吏治必有隱約以見者後之君子因時考事因事稽
籍於以抒猷達化而維茲江河之趨則茲志詎一虛車云乎
哉斯固余今日存志之意因僭附數言於簡端云

國朝康熙壬子序

邑人

李有藻

古國史而外郡邑各有志志卽史也善化獨無志者何非無
志也善化自宋元符始建初則隸長沙焉明萬曆癸丑武陵
唐公源蒞茲土搜掌故知邑志缺如於是以蒐葺討論屬吳
公道行而其大指則從景臺黃公所定歷甲寅始告成迨崇
禎癸未冬獻賊犯長脇從甚眾甲申左兵驕悍焚殺無遺迨
問所爲志耶

皇清定鼎鴻掃寇氛四方底定歌太平者三十年

詔修一統志爰省徵府府徵縣其有未經兵燹受禍稍淺者俱得
以志報善化求隻字查不可得壬子有藻省試南歸邑侯孫
公忽召藻與李生相俱憐憫謝不敏繼出同庠公舉嚴諭至
再弗獲回辭而李生相就館遠鄉藻何人敢當此任又不敢
重卻邑侯命勉焚膏呵凍竭日夜之力從府志中摘取僅得
什之一二參以父老傳聞創著成帙甯簡毋繁要傳信不傳
疑也時上臺檄取甚嚴迫甫一月藻就不自知其鄙陋聊以
塞責云爾至裁訂潤色我侯博學鴻裁兼綜條貫將見燦然
大備今日之志不居然後日之鼎彝乎謹識

康熙乙丑序

知縣 孫 謙

善化縣志

卷之首

舊序

六

古今事物之理莫不載於經史至於經史所未詳者而志備
之志顧不重與然而難言矣夫志近於史而原於經作史不
由於經則無本之辭踈濔焉而已修志不宗乎史則無體之
學劫堂焉而已故曰修志之難同於作史善化爲星沙首邑
湘嶽鍾靈名勝實甲於他郡而又經先賢倡教贊化一時文
獻濟美當必有志而可以爲今日考鏡之林者邇其由來善
之有志自明季萬曆武陵唐侯俶勑之而續修於崇禎蜀東
黃侯過此遂無有繼起者謙自甲子五月下車輒以爲前事
不終後人之恥矧恭逢

皇上興學右文

詔天下郡縣纂修通志以昭當代大典以故各志檄取邑志以咨

討論遂不辭固陋而力任修輯但善邑當楚地衝道盤踞逆寇蹂躪圖籍散佚斷缺卽間有殘編率多荒陋舛謬此修志所以難而修善邑之志爲尤難也今幸有紳士之多聞而賢者得以互相參訂或綜厥綱或條厥目補缺增新丙夜警校不一載而志畢然具矣雖是志也在善言善終屬管窺蠡見何足以備

國書之採擇然一筆削一辨正無不以經爲經以史爲緯綜事辭之紛綸衷道法於一定是亦傳信不傳疑之書也則後之守土者而有事於志詎猶致歎於考鏡之無自也哉

教諭姚之年

古人胖土建邑每因地命名宋設此而名以善化豈以其地

善化縣志

卷之首

舊序

七

割臨湘中湘之邊幅習尙各殊必化而歸於一非善政善教不可耶溯自紹興以來朱張倡明理學時瀟湘有洙泗之風嗣是劉其父眞景元相繼守潭益闡揚晦庵南軒之教故元志云學者勤於禮耕者勤於力士風純古而好修則宋治之善至元而未衰可知已明之守令代有循良和民造士要皆不失先賢遺愛創建惜陰修復城南而嶽麓書院更加意振興與嵩陽白鹿并著於天下雖未造式微闔巷猶恥爲不善而相勸於善其感發不亦甚乎我

朝定鼎戡亂之餘聿隆文治凡保釐茲土者靡不拯士女之顛連而戢奸暴獎純良端士習淑民情爲政爲教上接朱張夫以善治之積累如是而乃文獻無徵典章弗備將上之所以

化民與民之所以向化者果何從而稽之哉邑侯孫公倦倦致慮嘗與年商推舉行今春部檄由省徵府府徵縣令各成信史俾周知扼塞險要山川風土人物耆舊戶口多寡強弱之數我侯遂獨任纂修其綜核起草者趙生也揆藻芟繁秩然有典而有則者邑侯也年惟是樂觀六善之咸備又何容別出臆見以參之乎雖然邑志創於武陵唐侯繼之東晉黃侯時則有吳生道行應之

國朝重修於交城孫侯時則有李生有藻李生昭應之今則又有趙生應之數子居今稽古足供秉筆之任益可見是邑之多才而教化之流澤遠矣

邑人趙又昂

善化縣志

卷之首

舊序

八

爲政非可按籍而求也本諸仁心措之仁政治天下無難矣一邑云乎哉然而建邦分土幅員有廣狹風俗有純薄損益沿革有得有失苟無簡策以徵之則興利除害不能周知物理民情因地制宜治化終扞格而無緒昔鄧侯入秦悉收圖籍助成漢業誠見夫寶玉貨財莫貴於此也善邑設於宋至明萬曆癸丑五百餘年尙未有志唐侯始屬吳生載筆雖闕志以前未嘗不治而廉能之嘉績賢哲之芳蹤與城闕人民兵農校塾之類其興廢盛衰未免湮沒不著宜唐侯始創之而崇禎癸酉黃侯復繼修之已成一方信史豈不謂自茲以往生斯蒞斯者不過續增簡帙以相傳於無窮孰知未及十載而寇証於疆兵潰於域干戈日尋而邑志竟與舊時人物

其淪亡矣則此邦文獻又仍然湮滅而不著

國朝交城孫侯曾爲此慮康熙壬子命李生有藻繼吳生之後大率責成過迫不暇博訪散軼略而弗詳隨值滇黔告變未授制剛延至於今邑志闕焉未備歲乙丑蕩平久奏海宇又安省志郡志燦然畢舉金陵孫邑侯撫綏茲土本念酌古準今以善俗而更化適上檄索志諄切時昂蒙各上憲令攝義學訓邑之子弟邑侯舉承其乏備於戟門之左因俾昂續吳李二生之後昂既懼任鉅又懼重違長者之命乃勉從嚴諭然白蠱胸臆略采見聞皆不可以傳信於是遍覓黃侯繼修遺編半得之李生焞半得之李生天植蠹餘鼠殘文多剝落殫精竭力增芟彙集凡朱元明之已事畢載靡遺

善化縣志

卷之首

舊序

九

國朝之良法徽猷記錄頗悉爲志二十有二每成一卷必請裁正於邑侯三閱月而後竣聊以報命亦使前人之廢隆由此而復著耳敢擬稗乘之良哉至於以仁心行仁政則按籍求之可也神明於是籍之中而因時因地以制其宜焉亦可也自是善邑之民惟日待澤於下矣

乾隆丙寅序

知縣魏成漢

書曰學古入官議事以制語曰不習爲吏恥已成事然則膺百里綰銅章辨土經疆達情通欲其所有事苟不徵文考獻溯源溯流凡民性剛柔之異山川物產之殊氣數之剝復靡常習尚之純澆不一將何所藉以悉其偏而拯其弊諳其俗而善其宜今天下自國史而外若省若郡若邑莫不有志所

以紀得失於往代垂法戒於方來者也昔江文通謂作史難而作史中之志尤難搜奇探異揚摧古今匪博不該傳疑徵信芟滌繁蕪匪識不精與旨微文義存筆削匪直不衷以嚴正爲主華袞褒而鈇鉞貶史也以長厚爲主善善長而惡惡短志也善自宋元符建設以來舊未有志有之自前明武陵唐公始迨

國朝康熙乙丑高純孫公繼修之凡阨塞險要并疆賦稅遠不漏實近不摭浮補闕拾遺朗然方策顧垂今六十餘年星移物換其間官師之升沈政治之沿革以及忠臣義士孝子順孫皆待表揚以信今而傳後若湮沒不彰更越有歷年編殘簡斷何以謝缺典於後人也余自乾隆丁巳

善化縣志

卷之首

舊序

十

簡發來楚由北而南臨沅所至若衡陽安鄉祁陽平江臨湘奔走數千里采風問俗罔棄幽遐丙寅秋蒙上憲調繁茲地稽故實閱舊文竊爲此懼思集邑之紳耆加新葺以繼前志乃謀於廣文李君經始其事因以纂修屬之刑曹主政張君孝廉李君熊君明經劉君逾半載而稟脫旁搜遠紹集腋成裘華實兼收細大具舉乃綜核而讐校之既以自喜而因以自勵也夫善爲湘嶽鍾靈川原之勝甲於他邑考諸舊志云士多廉隅民尚忠義又云民樸而實其性決烈而勁直加以晦庵南軒倡化於前共父西山揚徽於後流風善政猶有存者第恐承平日久物穢而豐當省會之衝衢爲五方之雜處酒食交遊相徵逐不無漸漬醇漓頓忘其古處者其何以使之引

登引恬樂桑麻安幹止雷厲而風行家絃而戶誦也開嘗自
訟曰治民如理亂絲也今緒清縷斷能乎亦如烹小鮮也今
火調水濟能乎生齒日浩繁也而富庶能無憾乎催科安政
拙也而撫字能有效乎先事之圖後事之慮皆官斯土者所
不可廢顧余不敏夙夜兢兢靡有甯處時懷求牧之憂恐負
距心之罪幸數年來宿弊稍清訟庭閑寂俾得公庭之暇藉
手觀成因付諸剞劂而弁數言於簡端俾後之人按籍而求
不致歎杞宋無徵貽譏殘缺於以昭示來茲爲一方之信史
或不無小補云

嘉慶戊寅序

知縣王勳

善化縣志

卷之首

舊序

土

聚一邑之山川風土典章人物咸備於一書非若制藝之造

局謀篇賦物之僥紅儷句可在吾意之雕鏤以爲工也輪轅
之耳目不克徧及於職方賓客之游談未必盡符於誦訓鄴
書燕說襲謬踵譌其何以信今而傳後乎江淹有言作史之
難無出於志鄭夾深曰志之大原起於兩雅司馬遷曰書班
固曰志蔡邕曰意華嶠曰典張勃曰錄何法盛曰說餘史并
承班氏謂之志要皆詳於浮言略於事實不足盡爾雅之意
然則志之爲義固在於考核之精詳矣善邑之志肇自前明
唐侯迄乾隆丁卯疊修以後凡七十年山川城郭如舊闔閭
則殷賑而布列煙戶則櫛比而加增風俗則由樸而華人物
則相觀而善其他祠廟佛寺之煥新道路津梁之修舉嬰堂
學田義山之綜理周密

昇平景物百倍從前恭逢我

國家

累洽重熙養育甄陶海濱山陬咸霑

聖化由一邑之氣象可以占寰宇之休嘉表揚紀載非有司責歟

歲丙子 藩憲續修通志頒定格式飭令各屬成書勸承乏

茲土拙見寡聞懼無能爲役爰與兩學師謀諸邑紳再四商

榘往復周詳於是構設志局籌畫經費擇舉編纂校梓皆秩

秋平有條不紊賴諸紳力得相與以觀厥成甚盛事也方欲

詳定章程斟酌去取不泥於古不戾於今旋以微疴乞假未

獲完業藥鑪臥榻靡日忘之幸吾宗菊潭先生接篆草創潤

色凡十閱月書成菊潭已詳敘其顛末邑紳等以書示余余

善化縣志

卷之首

舊序

三

受而讀焉美哉儀象則考驗無訛疆域則廣輪胥備典章制
度纖悉必詳沿革廢興查考必核風俗足以當陳詩人物足
以協輿論物產足以察民依此豈經生剽襲緣飾之空談哉
惟菊潭學有淵源才優撰述故能使操觚諸君子蒐羅完備
檢校詳慎各盡所長雖載言十道吉甫元和當不過是也勳
復何能贊一辭哉喜邑人之有古道猶念經度之初心也遂
勉爲之序

知縣王餘英

余素有文字癖亦多有文字錄初奉

簡湖南寧甯鄉其地去善化百里而事簡於善約十之二三幸故
多暇口暇故得與其邑人士講論文文字上自三代下逮兩漢

每往復不輟而凡挾文章而來質者莫不欣欣然退而喜曰
吾邑有文學宰也夫以余有文字癖而即得斯地以遂其癖
是則余之幸也然余非必能文而一行作吏仍復往往與文
字爲緣是又重余之愧也憶去歲之春余自省回甯宴甯邑
人士於雙梧堂僉曰吾邑志自李侯成一帙垂六十餘年其
間待纂輯者甚繁今亟宜續修請尸其事余愧欲辭既又念
此儒者作吏事矧

皇上續修一統志而湖南 大吏又將續修省志並飭各郡縣一

體修輯以待纂入省志余烏乎辭於是與甯邑人士籌經費

定章程數月之閒爰有規模而其志固猶未成也十二月

大吏檄余遷善迺去甯余方謂善附省會簿書倥偬而今而

善化縣志

卷之首

舊序

志

後無復尋文字緣雖有癖而苦無暇日乃前令戴虞先生主
修善志與余主修甯志直先後闕事而未成猶余修甯志也
而余於斯適踵之信夫余多與文字爲緣乎抑有癖在而造
物遂必以此相餉遺耶雖然余於甯志之未成者已思過半
也甯簡而宰暇也今善志未成而遺於余余不及與諸君子
共相考核善繁而宰無暇也迨宰善之明年諸君子繕其成
藁質余補舊增新綱舉目晰余勉爲校勘付諸剞劂卽以余
於甯志未及成而遷善而善志又自前令肇修諸君子纂輯
之力余因藉手觀成之故爲之序余貢文字緣矣或曰余於
二志皆得挂名亦文字癖之報然寸心千古余且歉然抱愧
之未遑名云乎哉

凡例

戊寅舊志分二十二門續編分二十八門舊志門類有可分
可合者復加釐定如山水統於疆域今分列山水一門忠義
附於人物今分列忠義一門嬰堂義院諸義舉附公署社倉
義倉各儲備附田賦今於公署田賦外分列積儲一門保息
一門名宦政績附職官今分列名宦一門政績一門此由合
而分也戶口田賦風土物產舊志各分二門今合爲賦役一
門風土一門此由分而合也分者以清條目合者以免紛歧
餘俱仍舊

善化縣志

卷之首

凡例

一

之地次公署治先國用次賦役正供既裕澤宜旁敷次保息
圖置於豐樂利乃永次積儲興養繼以立教次學校教先禮
次典禮禮重祀次秩祀修文不廢講武次兵防唯土物愛厥
心臧次風土轉移風化在官師官師名宦政績以類志政在
得人次選舉論定而爵之輿論定以榮之存沒一致志人物
忠義彰善也志耆壽紀祥也志列女表微也至若觀物興懷
古蹟宜志入門生敬祠廟宜志稽著作於人文徵休咎於天
文藝文祥異必備志其有言不盡意者乎請以叢談殿之
序類既釐體例宜慎舊志厯遵官書式低二格恭遇

聖

皇上

詔諭暨

朝廷

國家字樣俱如式比正文擡格三擡則出格爲止典禮諸神應
擡者亦如式唯註中擡格易混謹倣見行禮部則例如式跳
格恭錄

上諭俱低一格庶異各書之低二格者而

上諭等字可不出格擡寫字體有關

廟諱

聖諱者遵功令敬避儀注音混

顯廟改載儀節以昭誠敬

志與政通恭紀

善化縣志

卷之首

凡例

二

上諭所以尊

聖制也各志家以

綸章未敢載入藝文或恭錄卷首或彙爲一書以示分別惟志書

所記分門別類各有所重謹就各門欽奉關係之文以次恭

載正以見凡關政教風俗皆仰體

聖訓原原本本卓乎可紀似較彙載一卷者更爲親切此通志體

例續修遵此

邑乘原係官書故雖大吏亦直稱官稱名以符史體公署兼

載撫司憲轅者所以崇會垣體製而詳畧則異官師止紀縣

宰師儒丞尉城汎所以昭職守而名宦則兼載節鎮監司者

甘棠遺愛民不能忘有專屬也

康熙三十五年題準節婦自三十以內守節至五十歲卽行

旌表五十二年覆準民閭貞女未婚聞訃矢志守節舅姑堅

距其孝養絕食自盡照例旌表五十四年覆準孀婦撫子守

志因親屬逼嫁授繯原非激烈輕生照五十二年貞女例旌

表雍正元年

恩詔內節婦年逾四十而身故計其守節已歷十五載以上者亦

應酌量旌獎續編列女傳遵照採載其年例不符而矢志固守

如見存而年未及五十守逾十五年及身故而守不及十五

年者舊志聞採今師其意附載本卷之末

紀載山川古蹟俱附錄前人詠歌此風俗記游覽志之體例

國朝

善化縣志

卷之首

凡例

三

宸垣識畧仍之續編謹倣此體

體例既明義例宜辨志乘之義在備物垂規昭往訓後然但

取計簿則言不文或徒炫誇張則誠不著此鄙與誇之弊宜

去也續編之例在複者刪訛者正冗者節缺者增期於明備

之中不失謹嚴之義而民生豐儉吏治得失習浮實俗尙

澆淳畢著於志使覽者有所觀感而興有所懲創而勸庶爲

言之有物

欽定四庫全書提要謂武功康書削地志繁濫之習書止七篇義

例分明綱目具括朝邑韓書止二十餘葉上下數千年包括

巨細若有餘閒無局促束縛之迹足見文簡事覈志書之體

要在此續志述舊編新俱宗舊體不敢蹈繁冗之習亦不敢

貽草率之譏

輜軒之採振古于茲風俗爲民情所見端從實類紀書其美而不隱其陋民風悉而政治之宜出焉土物就所常有者志之有神食用者著其畧當無貽仲景本草之譏

志係紀事之書原非選本邑中耆舊詩文有關掌故風化學術山川名勝者酌採亦有人本碩學者儒於詩文登選一二係以文存獻之意其餘止於列傳內註文集詩集名目此班書所志但存其目庶簡而不遺至選樓初開何遜猶在不錄其詩庶免天寶樓穎詩序並列之訕

舊志人物門分忠義鄉賢仕宦品學隱德孝友好善樂施方技等子目以至資格相繼每至世代顛倒究之窮達何分忠

善化縣志

卷之首

凡例

四

孝一貫品學焉能外孝友隱德何必非樂施續編唯於咸豐兵興時徇難死綬之眾另立忠義門餘俱按時代以次據實編列亦係遵部頒格式人物祇通列而不分門以便日後增入唯孝行施濟方技有專指一行者酌爲彙書亦比事屬辭之義前後非有軒輊

志與史殊史昭法戒善惡直書志稱美而不稱惡銘之義也然取舍一嚴與史暗合矣續編人物門採錄頗寬半出自人子稱揚其祖先之意不能不善善從長前人謂一嚴筆削動輒招尤亦經事之論唯輿論不符者未便收入恐揚其瑜反挈其瑕列傳向無合傳例續編有紀其兄而並及其弟紀其祖父而帶書其子孫者一免繁歧一示濟美於以小從大

之義尙覺不背

選舉門舊載恩歲貢分府縣學續編統恩歲爲一門而旁注府縣舊載例貢例監原係由廩增附加納今仿照凡由廩增附加貢及由廩增附加保官者備載或貢或生旁注舊志有捐選無保舉今因軍務保舉甚夥其中先捐後保及既保復捐難以區別續編併入一門其官階旁注原探未及分列照敘未經分發另載捐保職銜類行伍保軍功出身者歸行伍保舉內舊志所載照敘

舊志封典夫婦並載續編止載封級原何品爵不載妻氏恭淑等字以婦從夫爵載夫而婦可類推也舊志耆壽自入十始續編因累治重熙之後上壽實繁例從入十五歲以上始

善化縣志

卷之首

凡例

五

其本身入十五正書祖父子孫壽逾八十者旁注或一門多壽夫婦雙壽同堂五代者彙書

學記入學釋菜示士知敬故恭紀文廟於學校之門而名宦鄉賢忠義節孝附載周禮國祀有大祀次祀小祀示民知禮故祠廟係祀秩祀諸神而城鄉相沿寺觀附載易舊志寺觀而稱祠廟者示崇正祀而非崇釋老朱竹汀以金石遺文出寺觀者十之九故次祠廟於古蹟之後亦卽志寺觀以存古蹟之意

此次續修規撫俱遵舊章述則不作也各門小序多仍舊原序舊凡例俱備載以示修纂各有時世各具心思後之視今亦猶今之視昔閱者可勿徒作旁觀之易爲智也

乾隆丙寅凡例

一振裘者必挈其領紀事者務提其要史備三長志綜諸體考義就班各從其類舊志若封建建置風土及選舉人物先後錯置爰釐正體裁博綜義例門分十二櫟括全書若網在綱有條不紊

一邑志自康熙乙丑修葺維時圖籍散軼一切多草創缺畧今據孫本參酌考校善者因之漏者補之顛創者次序之仍舊者俱標舊志以別之斷不若擅善之伯宗竊註之郭象也一編次先著題詞此通例也今重加蒐輯因摺舊牒爲藍本而時移勢異有不得相仍襲者匪示新裁亦以引端各有指趣云爾

善化縣志

卷之首

凡例

六

一善志有二一爲嶽麓志一爲縣志凡麓志所詳游觀登眺之勝概茲不復贅聞有彼此俱載者亦惟兩不可缺故無妨於互見

一序文所以紀作者之緣起凡前有序在篇端暨首事其事之人俱存而不泯俾一時苦心千古如揭庶幾薪傳不盡一原載人物姓氏悉從其舊列傳則甯樸無華甯簡無冗匪敢云董狐之直幸勿受爾朱之私

一丁攤於糧役併於賦起運以充天府存畱以裕地方國計民生如灌輸然今按賦役全書將額征各項支用諸色一一按款註載庶

國家寬恤之仁閭邑經費之制展卷洞然可稽

一學宮書院義學各基址開爲附居者隱隱假而不歸其漸不可長也今按舊載繪圖志中查清四至抵界暨歷來案宗杜私侵復勝蹟庶講學育材之區永宏盛澤

一新載人物必查清籍貫考核眞贗秉公採取期於允當內惟節婦合例者無論沒存得備書事蹟此外概不爲生者立傳以益棺論定也

御製不敢彙入藝文其他有文與事相發明者亦間附載以便檢閱至疏議諸體凡皆敷奏之文爰倣通志并隸藝文若前賢著作暨近代詞章擇其雅馴量加增補

一人物自宋王玠至

善化縣志

卷之首

凡例

七

國朝方技通共二十四葉列女宋趙淮妾起至國朝梁氏止共一十七葉典禮自劉李二公祠至洪恩寺止補入三葉以上皆經詳核計人物新舊一百二十五傳列女新舊一百傳方技四傳

嘉慶戊寅凡例

一新志分首末二卷星象至寺觀分三十卷其計三十一卷分二十二門

一志內次序畧有斟酌星象志天沿革志代疆域志地此志之大者因天乘地酌古準今於是乎有事公署治事之總也以戶口志人民以田賦志財用以學校志師儒次及津梁水利皆切於民先成民而後致力於神故次秩祀敬歲時而尊

王制故次典禮由文而及武故次兵防凡此皆治法也有治法必有治人職官治官也有官則有政績有政績則有名宦故以職官總之王者勞於求賢而逸於任人則選舉宜重也人物節孝皆自此而與志人物列女以表微也此外則因俗而立敦宜採輯軒物土而布利宜辨食貨故風俗物產次之考洪範而察庶徵春秋所以書雨旱蝗蝗也故次紀祥異自古在昔先民有作志古蹟不忘初也藝文者古人之述作擇其有裨於世教者登之傳曰言以考典藝文志言也祠廟之外有寺觀人物之外有仙釋均得志之然不敢謂無遺也故以拾遺終焉

一天文圖悉遵

善化縣志

卷之首

凡例

入

欽定靈臺儀象及步天歌摹繪軫中長沙子一星舊用小線聯之非是天文志曰長沙一星不附軫以屬吏自爲官也

一城基來龍舊志所載如夢仙嶺至龍頭鋪形家多議其誤今特倩老成識地理者往返百里細加審定亦未敢信爲必然故仍錄舊志而附今說於後

一公署原統儒學祠廟卽有祀典原難割裂因其中頭緒甚繁未敢從畧故儒學列於學校以明職守祠廟統於秩祀分爲二卷

一舊志田賦比較通志及賦役全書開有不合茲特逐一查核將則田山地墾凡科糧派馬相合者彙爲一類屯田又爲一類雜課帶派等項又爲一類仍將通邑經費附載於後

總以見在全書爲據

一田畝各有弓口舊志注載大小坵數適滋弊端今只載坐落地名及畝數糧數佃戶姓名將來按冊稽查照糧核畝如有隱贖侵盜等情不難立見

一例貢例監職銜由生員捐納者載從九未入實係本籍之人已捐分發者載虛銜不載六品以上實係本籍者虛銜亦載非本籍而冒捐本籍者不載掾員或係寄籍或本籍未經考取選用者俱不載

一舊志人物分忠義鄉賢仕宦品學智畧孝友樂善好施方技八項列女分節婦孝婦貞女三項新志分仕宦品學隱德孝友樂善好施五項列女分節婦孝婦節烈貞烈貞節貞孝

善化縣志

卷之首

凡例

九

六項者壽另爲一卷皆據實節錄文省事核

一舊例生不立傳以蓋棺事乃定也惟割股一事其孝發於至誠不容埋沒許生立傳

一樂善好施其事必屬邑中義舉其捐助必出私囊畧目其見鑿鑿可據方許敘入若倡議公修者其財出於眾姓不得私竊美名

一人物節孝各傳自應於奉文設局之時邑紳公舉採訪無訛方準編入

善化縣志目錄

卷首

序 舊序 目錄 凡例 修輯姓氏

卷之一

星象 圖 分野 星占 星度辨論

卷之二

沿革 邑始建考 沿革表

卷之三

疆域 省脈圖 街巷 鄉里 郡甲 鄉域圖 形勝 縣境四至

卷之四

山川 山 石 湘水考 江河 潭 灘 洲

善化縣志 卷之首

目錄

卷之五

水利 塘 湖 堤 汙 壩 港 井

卷之六

津梁 義渡 橋梁

卷之七

公署 縣署圖 戒捕廳 省垣各署 邑郭公館

卷之八

賦役 民屯糧餉 帶派各款 俸薪役食 民屯四田 蠲政

卷之九

積儲 常平倉 社倉 積穀 儲備倉

卷之十

保息

育嬰堂 接嬰局 保節堂 全節堂 卹鄉局
善濟堂 新善濟堂 同善堂 養濟院 卹賑告
保節堂 同仁堂 兼善堂 泥濘園

卷之十一

學校

縣學宮 源流 圖 基址 田房租 卷局章程
田房租 學額 學署 田租 府學宮 源流 圖
田房租 嶽城兩書院 源流 圖 田房租 書院
祠祀 求忠書院

卷之十二

典禮

慶賀 上任 釋菜 貢院 文武鄉試 講約
鄉飲酒 禮儀 樂章 迎春 婚喪

卷之十三

秩祀一

先農 社稷 雩祭 厲祭 祈禱 救護 廟
祀樂舞 禮器圖 各祠祀 禮文

卷之十四

秩祀二

歷代封祀 國朝勅祀

善化縣志 卷之首

目錄

卷之十五

兵防 歷代兵制 武員 弁額 驛汛 險要 軍器
練勇團防 保甲 救火事宜

卷之十六

風土 風俗 節序 習尚 婚喪 訟獄 權量 土產
穀菜 竹木花草 羽毛 鱗介 蟲

卷之十七

官師 歷代官制 知縣 教諭 訓導 縣丞 各年表
典史 監防

卷之十八

名宦 漢晉以下歷代名宦 流寓附

卷之十九

政蹟一

卷之二十

政蹟二

卷之二十一

選舉一

鵬辟 進士 舉人 副榜 拔貢 優貢 恩
貢 歲貢 廩增 附貢 恩賜舉人 恩賜副榜
孝弟力田 孝廉方 正 武進士 武舉

卷之二十二

選舉二

捐保實官 捐保職銜 行伍保舉 文階封贈
武階封贈 誥號 恩蔭 難蔭

卷之二十三

人物一

舊志

卷之二十四

人物二

續載

卷之二十五

善化縣志

卷之首

目錄

三

忠義

殉陣 殉城 殉勞 殉圍

卷之二十六

耆壽

入十五起至百歲 一門
多壽 五代同堂均類載

卷之二十七

列女一

舊志節孝

卷之二十八

列女二

節孝 貞節 貞烈 貞孝 孝烈
節烈 貞烈 寄載 補遺

卷之二十九

古蹟

金石文 金石器 圖亭 第宅
坊表 古木 名墓 附

卷之三十

祠廟

仙釋 詩附

卷之三十一

藝文

舊志

卷之三十二

續藝文

續編

卷之三十三

祥異

兵難附

卷之三十四

叢談

善化縣志

卷之首

目錄

四